

Pecyn Recriwtio Ymddiriedolwyr

Llantarnam Grange yw'r ganolfan ranbarthol ar gyfer crefftau a chelfyddydau gweledol yn y de ddwyrain. Rydym ni'n elusen wedi'n lleoli yng nghanol Cwmbrân, gyda'n gwreiddiau yn ein cymuned leol a chyrhaeddiad ledled gwledydd Prydain. Rydym yn chwilio am gadeirydd newydd i arwain ein bwrdd, a thrysorydd a all gynnig y trosolwg ariannol angenrheidiol. Rydym ni'n chwilio am bobl sydd â'r brwdfrydedd, y sgiliau a'r profiad i helpu i arwain ein gwaith yn cefnogi artistiaid, gwneuthurwyr, cyfranogwyr a chynulleidfaedd. Rydym ni am glywed lleisiau a safbwyntiau newydd i'n helpu ni, a'r bobl rydym ni'n gweithio gyda nhw, i ffynnu.

Rydym ni'n annog ceisiadau yn benodol gan bobl sydd â phrofiad byw o'r Gymraeg, gan gefnogi ei datblygiad yn niwylliant Cymru; pobl sydd ag anabledau; a phobl groenliw. Os ydych chi wedi'ch ysbrydoli gan yr hyn rydym ni'n ei wneud, ac os ydych chi am ymuno â ni fel aelod o'n bwrdd, bydden ni'n falch o gael clywed gennych.

Am y swyddi

Y Cadeirydd

Cyffredinol

- Arwain y bwrdd a'r sefydliad i'w alluogi i gyflawni ei ddiben.
- Gweithredu fel llefarydd ac arweinydd fel y bo'n briodol, gan gynrychioli'r sefydliad ar y cyd â'r Cyfarwyddwr.
- Sicrhau bod y Bwrdd yn canolbwyntio ar strategaeth ac yn monitro penderfyniadau sydd wedi'u dirprwyo i'r rheolwyr.
- Sicrhau bod gwybodaeth gywir, amserol ac eglur yn cael ei darparu i Ymddiriedolwyr.
- Sicrhau perthynas effeithiol rhwng
 - y Bwrdd a'r staff/gwirfoddolwyr
 - y Bwrdd a'r rhanddeiliaid allanol/y gymuned.
- Sicrhau bod rhaglen ymsefydlu gynhwysfawr ar gyfer yr holl Ymddiriedolwyr newydd, gyda chefnogaeth y Cyfarwyddwr / Ysgrifennydd Cwmni.
- Sicrhau effeithiolrwydd Ymddiriedolwyr unigol a'r Bwrdd cyfan.
- Mynd i'r afael ag anghenion datblygu'r Bwrdd yn ei gyfanrwydd gyda golwg ar wella ei effeithiolrwydd gan gynnwys sesiynau adolygu rheolaidd ar bynciau fel cyfrifoldebau a statws cyfreithiol.
- Adolygu eu perfformiad eu hunain, yr Ymddiriedolwyr a'r Cyfarwyddwr unwaith y flwyddyn.

Yn benodol

- Cynllunio a pharatoi cyfarfodydd y Bwrdd a'r Cyfarfod Cyffredinol Blyneddol gydag eraill fel y bo'n briodol.
- Cadeirio cyfarfodydd y Bwrdd gan sicrhau:
 - bod cydbwysedd rhwng cadw amser a sicrhau lle ar gyfer trafodaethau.
 - bod busnes yn cael ei drin a phenderfyniadau'n cael eu gwneud.

- bod penderfyniadau, camau gweithredu a thrafodaethau'n cael eu cofnodi'n ddigonol.
- bod cyfrifoldeb am weithredu penderfyniadau'n cael ei ddyrannu'n glir a'i fonitro.
- Sicrhau bod trefniadau cefnogi a goruchwyllo digonol yn cael eu gwneud ar gyfer y Cyfarwyddwr ac unrhyw staff/gwirfoddolwyr eraill sy'n cael ei rheoli'n uniongyrchol neu sy'n adrodd i'r Bwrdd.
- Sicrhau bod olynydd yn cael ei ganfod cyn i dymor y swydd ddod i ben.

Rhinweddau

- Parodrwydd i arwain y sefydliad
- Yn bwylllog, yn ddiplomataidd ac yn gallu perswadio
- Yn meddu ar wybodaeth berthnasol
- Yn meddu ar y sgiliau perthnasol i gynnal cyfarfod yn dda
- Yn feddylgar am eu swydd
- Yn myfyrio'n gyson ar sut i wneud yn well – yn myfyrio ar gryfderau a gwendidau, ac yn gwybod pryd, sut a ble i geisio cyngor a chymorth
- Yn canolbwyntio ar ddiben y sefydliad a'r bobl a'r achosion y sefydlwyd Canolfan Gelfyddydau Llantarnam Grange i'w gwasanaethu.

Y Trysorydd

Cyffredinol

- Goruchwyllo materion ariannol y sefydliad a sicrhau eu bod yn gyfreithiol, yn gyfansoddiadol ac o fewn arferion cyfrifyddu derbyniol.
- Monitro ac adrodd ar iechyd ariannol y sefydliad.
- Cyngori'r Bwrdd ar bob mater sy'n ymwneud â chyllid.
- Sicrhau bod cofnodion cywir yn cael eu cadw.
- Goruchwyllo'r gwaith o gynhyrchu adroddiadau/ffurflenni ariannol, cyfrifon ac archwiliadau angenrheidiol.

Yn benodol

- Cydgysylltu â staff perthnasol ac aelodau'r Bwrdd i sicrhau hyfywedd ariannol y sefydliad.
- Gwneud cyd-aelodau'r Bwrdd yn ymwybodol o'u rhwymedigaethau ariannol ac arwain ar ddehongli data ariannol iddynt.
- Adrodd ar y sefyllfa ariannol yn rheolaidd yng nghyfarfodydd y Bwrdd.
- Goruchwyllo'r gwaith o gynhyrchu cyllideb flynyddol a chynnig ei bod yn cael ei mabwysiadu yng nghyfarfod ola'r flwyddyn ariannol flaenorol.
- Sicrhau bod cofnodion cywir yn cael eu cadw a bod gweithdrefnau a rheolaethau ariannol effeithiol ar waith.
- Gwerthuso hyfywedd ariannol cynlluniau, cynigion ac astudiaethau dichonoldeb.
- Arwain ar benodi a chydgysylltu ag archwilydd/archwilydd annibynnol.

Rhinweddau

- Gwybodaeth a phrofiad o arferion cyllid a chodi arian cyfredol sy'n berthnasol i Ganolfan Gelfyddydau Llantarnam Grange.
- Gwybodaeth am gadw cyfrifon a rheolaeth ariannol.

- Sgiliau dadansoddi ariannol da.
- Gallu cyfathrebu'n eglur.

Y ddwy rôl

Mae aelodau'r bwrdd yn sicrhau bod y sefydliad yn cael ei rheoli'n dda. Yn ôl y gyfraith, mae ymddiriedolwyr yn gyfrifol am yr elusen sy'n cynnwys goruchwyllo datblygu strategaethau, monitro cyllid a pherfformiad y sefydliad. Maent hefyd yn cytuno sut i reoli'r risgiau sy'n ein hwynebu. Mae ymddiriedolwyr hefyd yn gweithredu fel llysgenhadon, yn hyrwyddo ein gwaith, yn datblygu partneriaethau a chyfleoedd newydd ar gyfer y dyfodol.

Rydyn ni'n ymroddedig i sicrhau bod ein bwrdd yn adlewyrchu'r cymunedau rydyn ni'n eu gwasanaethu. Drwy hyn, rydyn ni'n golygu ar sail hil, rhywedd, rhywioldeb, oedran, iaith, gwreiddiau ethnig / cenedlaethol, crefydd neu gred, anabled, statws ariannol, ble mae pobl yn byw, neu'r profiadau maen nhw wedi'u cael. Rydyn ni'n annog ceisiadau yn benodol gan bobl sydd â phrofiad byw o'r Gymraeg, gan gefnogi ei datblygiad yn niwylliant Cymru; pobl sydd ag anabledau; a phobl groenliw.

Rydym yn chwilio'n benodol am bobl sydd â phrofiad o rôl arweiniol, a'r rheiny â llythrennedd a throsolwg ariannol strategol.

Darperir rhaglen ymsefydlu lawn.

Yr ymrwymiad

Rydyn ni'n chwilio am unigolion ymroddedig sy'n gallu cyfrannu at lwyddiant Llantarnam Grange yn y dyfodol. Gan weithio mewn modd cadarnhaol fel aelod o dîm, bydd angen i chi allu cynnig eich amser a'ch arbenigedd, dangos crebwyll ac annibyniaeth, meddwl yn greadigol a rhannu syniadau, bod yn barod i siarad eich meddwl, deall a derbyn dyletswyddau, cyfrifoldebau ac atebolrwydd cyfreithiol bod yn ymddiriedolwr, parchu cyfrinachedd, ac ymrwymo i lynu at saith egwyddor bywyd cyhoeddus Pwyllgor Nolan (anhunanoldeb, uniondeb, gwrthrychedd, atebolrwydd, didwylledd, gonestrwydd ac arweinyddiaeth).

Mae gofyn i ymddiriedolwyr fynd i bedwar cyfarfod o'r bwrdd ac un cyfarfod cyffredinol blynyddol bob blwyddyn – cymysgedd o gyfarfodydd ar-lein ac wyneb yn wyneb. Mae pob cyfarfod yn para tua 2½ awr. Mae 2-3 cyfarfod arall y flwyddyn lle mae staff ac ymddiriedolwyr yn cydweithio i ganolbwyntio ar bynciau penodol. Mae hefyd angen amser darllen a pharatoi. Fe'ch anogir i ddod i agoriadau arddangosfeydd a digwyddiadau i gyflawni eich rôl fel llysgennad ar gyfer ein gwaith yn eich rhwydweithiau. Dylech hefyd fod yn barod i gyfrannu cyngor ar eich maes/meysydd penodol o brofiad / arbenigedd drwy gydol eich tymor yn y swydd.

Ynglŷn â Llantarnam Grange

Mae Llantarnam Grange yn cyflwyno arddangosfeydd a rhaglen helaeth o addysg ac ymgysylltiad gyda'r gymuned leol a'n partneriaid ledled Cymru a gwledydd Prydain. Fe agoron

ni yn 1966, ac rydyn ni wedi'n lleoli mewn maenordy o'r 19^{eg} ganrif yng nghanol Cwibrân. Mae'r adeilad yn gartref i ofodau oriel, siop grefftau, caffi, ac ystafelloedd addysg a chyfarfod. Rydyn ni'n ymgysylltu â chynulleidfaoedd o hyd at 45,000 y flwyddyn yn ein prosiectau yn y ganolfan, mewn safleoedd eraill a thrwy weithgarwch allgymorth. Mae hoffter ein cynulleidfa o'r adeilad a'r gweithgareddau sy'n digwydd ynddo wedi golygu ein bod wedi aros yn flaenllaw yng nghymuned gelfyddydol a chymdeithasol Torfaen ers dros hanner can mlynedd.

Rydyn ni'n creu Lleoliad Digidol i gefnogi ein cynulleidfaoedd ymhellach ac i ymestyn ein cyrhaeddiad y tu hwnt i bedair wal ein cartref Fictoraidd ac i mewn i fywydau eraill. Un o'n hymrwymiaidau allweddol ar gyfer y dyfodol yw datblygu'r adeilad ei hun, er mwyn cynyddu ei gapasiti a gwella hygyrchedd yn sylweddol.

Ein **gweledigaeth** yw creu cymuned sy'n dathlu ac yn cefnogi doniau a llesiant yn y celfyddydau gweledol, ledled Cymru. Ein **cenhadaeth** yw cefnogi ac ysbrydoli artistiaid a chynulleidfaoedd drwy ddysgu creadigol, gan gynnig lle ar gyfer ymgysylltiad sifig er mwyn llesiant ein cymunedau, gan rannu gwaith artistiaid gweledol a gwneuthurwyr o bob rhan o Gymru, gwledydd Prydain ac yn rhyngwladol.

Mae ein cynllun busnes diweddaraf ar gael ar ein gwefan [yma](#).

Ein strwythur llywodraethu

Elusen gorfforedig yw Llantarnam Grange, sy'n cael ei llywodraethu gan fwrdd o ymddiriedolwyr gwirfoddol. Mae uchafswm o naw ymddiriedolwr a gaiff eu penodi gan fwrdd Llantarnam Grange, ac uchafswm o bump a gaiff eu penodi gan y cynghorau bwrdeistref a chymuned lleol.

Mae ganddon ni Banel Cynghori leuenctid hefyd. Fe'i sefydlwyd yn 2021, a recriwtiwyd y 7 gwirfoddolwr o'n rhaglenni Criw Celf a Portal. Maen nhw'n cefnogi ein gwaith yn frwd drwy gynnig syniadau a datrysiadau gyda gweithgareddau ymarferol a gweithdai. Mae eu barn yn hanfodol i'n dyfodol gan fod cymaint o'n gwaith yn canolbwyntio ar ddatblygiad creadigol pobl ifanc.

Telerau Penodi

Cadeirydd a Thrysorydd – Dechrau ar 03 Rhagfyr 2022, neu'n fuan wedi hynny, am gyfnod o dair blynedd y mae modd ei adnewyddu unwaith. Swydd wirfoddol yw hon, ac nid oes tâl. Mae modd hawlio treuliau i fynd i gyfarfodydd.

Rhagor o wybodaeth

I wybod mwy, neu i drefnu sgwrs anffurfiol am y rolau yma gyda'r Cadeirydd neu Drysorydd presennol, neu Louise Jones-Williams, y Cyfarwyddwr, cysylltwch os gwelwch yn dda trwy: louisejw@llantarnamgrange.com neu ar **01633 483321**

Llantarnam Grange, Hoel Dewi Sant, Cwibrân, Torfaen, NP44 1PD

Sut i wneud cais

Cyflwynwch eich CV, llythyr eglurhaol, a'r ffurflen fonitro cydraddoldeb ac amrywiaeth sydd ar gael drwy [glicio ar y ddolen hon](#) i Elaine Cabuts, Cadeirydd, drwy ecabuts@lgac.org.uk neu drwy'r post i Elaine Cabuts, Cadeirydd, Canolfan Gelfyddydau Llantarnam Grange, Heol Dewi Sant, Cwmbrân, Torfaen, NP44 1PD